

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**

**po zahtjevu privrednog subjekta Auctor Projekt d.o.o. Zagreb u vezi obaveze prijave  
namjere koncentracije sa privrednim subjektom Hypo-Alpe-Adria Consultants d.o.o.  
Sarajevo**

**Sarajevo  
Juni 2007. godine**



Broj: 01-01-26-464-2-I/07  
Sarajevo, 21.06.2007.godine

Na osnovu člana 25. stav (1) tačka f) Zakona o konkurenciji («Službeni glasnik BiH», broj 48/05), a u vezi molbe za izdavanje mišljenja za primljene dana 31.05.2007. godine broj 01-01-26-464-I/07 od privrednog društva Auctor Projekt d.o.o. za poslovne usluge, Dežmanova 5, 10.000 Zagreb, Republika Hrvatska, Konkurencijsko vijeće na 47. sjednici održanoj 21.06.2007.godine, je donijelo

## **MIŠLJENJE**

Konkurencijsko vijeće je dana 31.05.2007. godine pod brojem 01-01-26-464-I/07 zaprimilo od strane privrednog subjekta Auctor Projekt d.o.o. Zahtjev za davanje mišljenja u smislu postojanja obaveze podnošenja prijave namjere koncentracije koja će nastati preuzimanjem (...) \*\*<sup>1</sup>% udjela u Hypo-Alpe-Adria Consultants d.o.o., Trg solidarnosti 12, Sarajevo, Bosna i Hercegovina od strane privrednog subjekta Auctor Projekt d.o.o. za poslovne usluge, Dežmanova 5, 10.000 Zagreb, Republika Hrvatska. U zahtjevu su dati određeni podaci za navedene privredne subjekte vezani za tržišne udjele i ukupni ostvareni godišnji prihod.

Zakon o konkurenciji je članom 12. propisao šta se sve smatra koncentracijom, dok je članom 14. istog zakona propisano pod kojim uslovima su učesnici koncentracije obavezni prijaviti namjeru koncentracije Konkurencijskom vijeću. Obaveza podnošenja prijave namjere koncentracije postoji za privredne subjekte – učesnike koncentracije ako ukupni godišnji prihod učesnika koncentracije ostvaren prodajom roba i usluga na svjetskom tržištu iznosi 100.000.000,00 KM po završnom računu za prethodnu godinu, koja je prethodila koncentraciji i da je najmanje jedan privredni subjekt, odnosno, učesnik koncentracije registrovan na teritoriji Bosne i Hercegovine, ili ako ukupan godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 5.000.000,00 KM u godini koje je prethodila koncentraciji, ili je njihovo zajedničko učešće na relevantnom tržištu veće od 40%.

Pod navedenim ukupnim prihodom podrazumijeva se ukupni ostvareni prihod nezavisnih privrednih subjekata. Ukoliko je učesnik koncentracije kontroliran od strane drugog privrednog subjekta (npr. dio je grupacije ili sl.), onda se kao ukupni prihod uzima u obzir ukupni prihod ostvaren od strane privrednog subjekta koji ima kontrolu nad

---

<sup>1</sup> (...) \*\* - Podaci predstavljaju poslovnu tajnu

učesnikom koncentracije. Dakle, ne uzima se u obzir samo ukupan prihod neposrednog učesnika koncentracije, koji nije nezavisan subjekt, već i ukupan prihod privrednog subjekta koji ima kontrolu nad istim.

Slijedom navedenog, sticanje kontrole jednog privrednog subjekta nad drugim, ukoliko su ispunjeni naprijed navedeni uslovi propisani članom 14. Zakona o konkurenciji, učesnicima koncentracije stvara obavezu podnošenja prijave namjere koncentracije u smislu člana 16. Zakona o konkurenciji u roku od 8 dana od dana zaključenja sporazuma, objavljivanja javne ponude ili sticanja kontrole, zavisno šta od toga prije nastupi, u suprotnom ne postoji obaveza prijave namjere koncentracije.

Predsjednik

Sanja Božić

Dostavljeno:

- Auctor Projekt d.o.o.
- Arhiv Konkurencijskog vijeća BiH